



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

7. Multos potiùs mori, ne mala gentis suæ videre cogantur.

**urn:nbn:de:hbz:466:1-45701**

- Matth. 24. 21.** niciem aut suam, aut alienam. An non & illud legimus, *nisi breuiarentur dies extremæ tribulationis, quod non fieret salua omnis caro?* Nec probabile tantum est periculum, sed infallibiliter certò scit DEVS, hunc vel illum periturum: si ergo eum rapit, *ne malitia mutet intellectum eius, aut ne fictio decipiat animam illius,* an non eum eximiè amat? Tunc non amaret, si senjorem fieri sineret. An injuriam fecit DEVS innocentibus, quos Herodis permisit immanitari? an Stephano, quem è saxis non eripuit? an Martyribus, quos crudelissimè etiam sæpe juvenes permisit mactari? Si DEVS id peculiari favore permisit, immò voluit, cur Angeli vellent obsistere, qui sanè vtique suis viribus suos clientes possent contra inuasores defendere, aut medicinis sanare, sicut Raphaël nouerat, sed nolunt id facere cælestes isti custodes, ne amando noceant, & mortis corporalis impedimento, salutem impediunt sempiternam. Siquidem diu viuere, est diu periclitari. Quare meritò D. Cyprianus exclamat: *Tot persecutiones animus quotidie patitur, tot periculis pectus urgetur, & delectat hic, inter Sabuli gladios, diu stare?*

## VII.

- Isa. 57. 3.** Quid, quòd innocenti mors beneficium est, non solùm ne peccet ipse seductus, sed etiam ne intersit peccantibus, videatque suorum calamitates? An non Isaias ait: *A facie malitia collectus est justus?* An non Iudas Machabæus ita suos adhortatur: *Melius est nos mori in bello, quàm videre mala gentis nostræ?* Sic sæpe felices eos vocamus, qui ad tempora nostræ non prouixerunt, ne miseras nostras intruerent. Possidonius memorat, D. Augustinum, ex hac vita abiisse, tædio malorum patriæ suæ, præsertim Hipponensis ciuitatis, cùm à Deo dimissionem, ex hoc sæculo, poposcisset. Anastasium Papam refert S. Hieronymus idcirco raptum, atque translatum esse, ne caput sub tali Episcopo truncaretur, & ne semel latam sententiam precibus suis flectere conaretur. O quantam crucem haberent sæpe parentes, si superuierent, & filiorum suorum dedecora aspicere cogerentur! Quamquam non rarò ipsi in causa suat, vt liberis priuentur. Sicut enim ob derisum Dauidem ante arcam saltantem, *Mischa, filia Saul non est nata, filium usque in diem mortis suæ; ita* & ipsi
- 3. Machab. 3. 99.**
- Possid in vit. S. Augustin. cap. 18. 29.**
- 2. Reg. 6. 23. 2. Reg. 11. 14.**



Cap. XLVI. *Immatura aliquos innocentes, sed iusta morte obire.* 519

& ipsi Dauidi filius natus vitam amittens, orbitatem intulit, vt frequenti capite dicemus, & supra iam attigimus.

Noli ergo offendi iudicijs diuinis, quisquis vides, vel iuuenem mori, vel innocentem. *Placita enim erat DEO anima illius: propter hoc properauit educere illum de medio iniquitatum. Populi autem videntes, & non intelligentes, nec ponentes in precordijs talia, iudicant, quod ignorant. Imperita enim & simplex multitudo, solum in defuncto iuvene intuetur ætatem, non autem moriendi rationem. Hinc contra DEVM quiritatur, hinc plorat, hinc capillos lacerat. Et quidem tum maximè, cum talis iuuenis maximè fuit pius; ait enim, hinc apparere, quàm inutile sit studium pietatis. Neque vulgus tantum eiusmodi pulsatur tentatione, ipsum David, Ieremiam, Habacuc, & Iob talis cogitatio pulsauit. Omnem scrupulum tollit, qui diuinam prouidentiam credit. Tam sapiens illius est amor, vt ab insipientibus crudelitas putetur. Nescit DEVM, qui iustum nescit. Hæc est fides recta, credere, quoniam gratia DEI, & misericordia est in Sanctos eius, & respectus super electos eius. Non ergo crudelitas est martyrijs exponere, aut morti tradere innocentes, sed gratia DEI & misericordia. Videri potest S. Ambrosius de bono mortis, Victor Vitensis, & Saluianus, qui in hoc genere disputationis & pij extiterunt, & disertis.*

VIII.  
Sapi. 4. 14.

Psal. 72. 2.  
Ierem. 12.  
Habac. 1. 13.  
Iob. 21. 76

Sap. 4. 15.

At cur innocentes tolluntur, cum impurissimi viuant; & illi triumphant, qui nec digni sunt, vt à terra sustineantur? Si irascitur DEVS, statim debuit vindicare; & pro merito quemq; punire, ait nonnemo apud Lactantium 1. de ira DEI c. 20. cui ipse respondet. *At enim, si ita faceres (vt statim puniret DEVS) nemo superesses. Nullus est enim, qui nihil peccet; & multa sunt, qua ad peccandum irritent; atq; violentia, egestas, occasio, primum. Adcò subjecta est peccato fragilitas carnis, qua induti sumus; vt, nisi huic necessitati DEVS parceret, nimium fortasse pauci viuerent. Propter hanc causam patientissimus est, & iram suam continet. Nam quia perfecta est in eo virtus, necesse est patientiam quoq; eius esse perfectam; qua & ipsa virtus est. Quàm multi ex peccatoribus iusti posterius effecti sunt, ex malis boni, ex improbis continentes? Quàm multi in primis aetate turpes, & omnium iudicio damnati, postmodum tamen laudabi-*

IX.